

# PROGRAM OBILJEŽAVANJA ZNAČAJNIH DATUMA IZ OBLASTI LJUDSKIH PRAVA U BOSNI I HERCEGOVINI ZA 2016. GODINU

## Uvod

Programom obilježavanja značajnih datuma iz oblasti ljudskih prava u Bosni i Hercegovini utvrđuju se značajni datumi iz oblasti ljudskih prava u Bosni i Hercegovini za 2016. godinu, sadržaj i način obilježavanja i implementatori, odnosno nosioci aktivnosti (nadležne institucije Bosne i Hercegovine) vezano za obilježavanje značajnih datuma, a u skladu sa Odlukom o utvrđivanju obilježavanja značajnih datuma iz oblasti ljudskih prava u Bosni i Hercegovini („Službeni glasnik Bosne i Hercegovine“, broj 41/02).

Program obilježavanja utvrđuje se za svaku godinu i sadrži listu datuma po važećem kalendaru za koje je predloženo da se obilježavaju u Bosni i Hercegovini.

Ministarstvo za ljudska prava i izbjeglice Bosna i Hercegovine zaduženo je da koordinira aktivnosti, usklađuje i priprema Program obilježavanja koji najkasnije do 31. januara tekuće godine dostavlja Vijeću ministara Bosne i Hercegovine na saglasnost.

R. br.	Datum obilježavanja	Naziv međunarodnog dana	Prijedlog manifestacije	Implementatori
1.	15. januar	<b><i>Svjetski dan vjerske slobode (priznat od UN-a)</i></b> (Univerzalna deklaracija o ljudskim pravima i osnovnim slobodama- utvrdila je i pravo na slobodu misli, savjesti i vjeroispovijesti, a ovo pravo utvrđeno je i u okviru Ustava BiH)	- Saopćenje za javnost Sastanak sa predstavnicima: Međureligijskog vijeća i predstavnik vjerskih zajednica  Saopćenje za javnost ili organiziranje tribina	- Ministarstvo za ljudska prava i izbjeglice BiH (Odjel za zaštitu prava i saradnju sa nacionalnim manjinama i dr. manjinama, vjerskim zajednicama), - Međureligijsko vijeće i vjerske zajednice u BiH

2.	<b>27. januar</b>	<b>Međurodni dan sjećanja na žrtve holokausta</b> (Ovaj datum obilježava godišnjicu oslobođanja nacističkog koncentracionog logora Auschwitz. Na 42. sastanku Generalne skupštine UN 1.11.2005. usvojena je <u>Rezolucija A/RES/60/7</u> kojom je 27. januar proglašen međurodnim danom sjećanja na žrtve holokausta)	- Saopćenje za javnost - Prigodna manifestacija Jevrejske zajednice u BiH	Ministarstvo za ljudska prava i izbjeglice BiH (Odjel za zaštitu prava i saradnju sa nacionalnim manjinama i dr. manjinama, vjerskim zajednicama) i Jevrejska zajednica u BiH
3.	<b>9. februar</b>	<b>Međunarodni dan obrazovanja</b> (Deveti februar je Međunarodni dan obrazovanja i obilježavaju ga zemlje članice Ujedinjenih nacija)	Saopćenje za javnost	Ministarstvo civilnih poslova BiH (Sektor za obrazovanje)
4.	<b>9. februar</b>	<b>Dan sigurnog interneta (Save Internet Day)</b> (Dan koji će se 2015. godine obilježiti pod pokroviteljstvom Evropske unije već se obilježava u više od 65 zemalja svijeta u cilju promocije sigurnijeg korištenja interneta i novih komunikacijskih tehnologija, te upoznavanja korisnika, prije svega djece i roditelja, o potencijalnim opasnostima interneta i sa načelima za sigurno korištenje istog)	Saopćenje za javnost  Realizirat će se sa predstavnicima nevladine organizacije koja ovu aktivnost provodi u proteklih nekoliko godina	- Regulatorna agencija za komunikacije BiH - Ministarstvo sigurnosti BiH (Odsjek za borbu protiv trgovine ljudima i Sektor za informatiku i telekomunikacione sisteme)
5.	<b>1. mart</b>	<b>Međunarodni dan civilne zaštite</b> (Ovaj dan se obilježava od 1972. godine od stupanja na snagu Ustava Međunarodne organizacije za civilnu zaštitu ICDO koje je i Bosna i Hercegovina članica od 5.04.1994.)	- Saopćenje za javnost - Pres konferencija	Ministarstvo sigurnosti BiH (Sektor za zaštitu i spašavanje)
6.	<b>8. mart</b>	<b>Međunarodni dan žena</b> (Generalna skupština UN-a je 1977. godine donijela Rezoluciju 32/142 kojom se ovaj dan obilježava kao dan žena)	„Sedmica ravnopravnosti spolova“ Saopćenje za javnost, press konferencije, učešće u radio i TV emisijama, okrugli stolovi, radionice, konferencije kao i aktivnosti sa nevladinim organizacijama	Ministarstvo za ljudska prava i izbjeglice BiH - Agencija za ravnopravnost spolova BiH

7.	<b>21. mart</b>	<b>Međunarodni dan eliminacije svih oblika rasne diskriminacije</b> (Generalna skupština UN-a je 1966. godine je donijela Rezoluciju 2142(XXI) kojom poziva međunarodnu zajednicu da ukine sve oblike rasne diskriminacije i odredila da će 21. mart obilježavati kao Međunarodni dan ukidanja svih oblika rasne diskriminacije. Nakon toga je usvojen niz dokumenata u cilju borbe protiv rasizma: Konvencija o sprječavanju i kažnjavanju zločina genocida 1948, Deklaracija o ukidanju svih oblika rasne diskriminacije 1963, Međunarodna Konvencija o suzbijanju i kažnjavanju zločina aparthejda 1973.)	Saopćenje za javnost	Ministarstvo za ljudska prava i izbjeglice BiH (Odjel za zaštitu prava i saradnju sa nacionalnim i drugim manjinama, vjerskim zajednicama i nevladinim organizacijama)
8.	<b>22. mart</b>	<b>Svjetski dan voda</b> (Generalna skupština UN-a je rezolucijom 47/193 od 22. decembra 1992. god proglasila 22. mart Svjetskim danom voda)	Saopćenje za javnost  Radionica: zaštita vode	Ministarstvo vanjske trgovine i ekonomskih odnosa BiH – Ured za veterinarstvo BiH Ministarstvo civilnih poslova BiH (Sektor za geodetske, geološke i meteorološke poslove)
9.	<b>23. mart</b>	<b>Svjetski dan meteorologije</b> (Ovaj dan se obilježava od 23. marta 1950. godine, kada je usvojena Konvencija o osnivanju Svjetske meteorološke organizacije (WMO) koja je od 1951. god specijalizirana agencija UN-a. Bosna i Hercegovina je 30. juna 1994. god postala punopravan član ove organizacije)	Saopćenje za javnost	Ministarstvo civilnih poslova BiH (Sektor za geodetske, geološke i meteorološke poslove)
10.	<b>24. mart</b>	<b>Svjetski dan borbe protiv tuberkuloze</b> (Svetska zdravstvena organizacija proglasila je 24. mart Međunarodnim danom borbe protiv tuberkuloze kako bi upozorila na važnost obuzdavanja te opasne bolesti. Na ovaj dan je otkriven i virus koji prouzrokuje TBC)	Saopćenje za javnost	Ministarstvo civilnih poslova BiH (Sektor za zdravstvo)

11.	<b>7. april</b>	<b><i>Svjetski dan zdravlja WHO</i></b> (Obilježava se od 1950. god. na dan osnivanja Svjetske zdravstvene organizacije)	- Saopćenje za javnost - Pres konferencija	Ministarstvo civilnih poslova BiH (Sektor za zdravstvo)
12.	<b>8. april</b>	<b><i>Međunarodni dan Roma</i></b> (8. april kao Međunarodni dan Roma je proglašen 1990. godine u Poljskoj na četvrtom Svjetskom Kongresu Roma u čast prvog sastanka romskih predstavnika koji je održan od 7-12. aprila 1971. god u Londonu)	Saopćenje za javnost  Svećana sjednica Odbora za Rome	- Ministarstvo za ljudska prava i izbjeglice BiH (Odjel za zaštitu prava i saradnju sa nacionalnim i drugim manjinama, vjerskim zajednicama i nevladinim organizacijama) - Odbor za Rome pri Vijeću ministara BiH
13.	<b>22. april</b>	<b><i>Dan planete Zemlje</i></b> (Rezolucijom 60/192 Generalna skupština UN-a je 22. decembra 2005. godine proglasila 2008. godinu Međunarodnom godinom planete Zemlje)	Saopćenje za javnost	Ministarstvo vanjske trgovine i ekonomskih odnosa BiH
14.	<b>1. maj</b>	<b><i>Međunarodni praznik rada</i></b> (U spomen na žrtve iz Chicaga i sve druge žrtve dvostoljetne radničke borbe za dostojne radne i životne uslove od 1889. godine 1. maj se obilježava kao Međunarodni praznik rada, dan radničke solidarnosti)	Saopćenje za javnost	- Ministarstvo civilnih poslova BiH (Sektor za rad, zapošljavanje, socijalnu zaštitu i penzije) - Agencija za rad i zapošljavanje BiH
15.	<b>3. maj</b>	<b><i>Međunarodni dan slobode medija (UNESCO)</i></b> (Generalna skupština UN-a je 1993. god prema Preporuci usvojenoj 1991. god. na 26. zasjedanju Generalne Konferencije UNESCO-a proglasila 03. maj Svjetskim danom slobode medija)	Saopćenje za javnost	Regulatorna agencija za komunikacije BiH
16.	<b>9. maj</b>	<b><i>Dan Evrope</i></b> (9. maja 1950. godine su načinjeni prvi koraci ka kreiranju onoga što je danas poznato kao Evropska Unija. Tog dana je Rober Schuman, francuski ministar inostranih poslova prezentirao prijedlog koji je kasnije poveo ka	Obilježavanje će se realizirati u skladu sa Akcionim planom za implementaciju Komunikacijske strategije za informiranje javnosti o procesu pristupanja	Direkcija za evropske integracije Vijeća ministara BiH (Služba za promociju evropskih integracija)

		kreiranju Evropske Unije)	Bosne i Hercegovine Evropskoj uniji za 2016. godinu	
17.	<b>9. maj</b>	<b><i>Dan pobjede nad fašizmom u Evropi</i></b> (1950. godine proklamovana je ideja o ujedinjenju Evrope, a 1945. godine kapitulirala je Hitlerova Njemačka, tako da se 9. maj na Balkanu obilježava kao Dan Evrope, odnosno Dan pobjede nad fašizmom)	Saopćenje za javnost	Vijeće ministara BiH – Kabinet predsjedavajućeg
18.	<b>15. maj</b>	<b><i>Međunarodni dan porodice</i></b> (Generalna skupština UN-a je 20. septembra 1993. godine donijela rezoluciju 47/237 kojom se utvrđuje 15. maj kao Međunarodni dan porodice)	Saopćenje za javnost, press konferencije, učešće u radio i TV emisijama, okrugli stolovi, radionice, konferencije kao i aktivnosti sa nevladinim organizacijama.	Ministarstvo za ljudska prava i izbjeglice BiH - Agencija za ravnopravnost spolova BiH
19.	<b>4. juni</b>	<b><i>Međunarodni dan nedužne djece žrtava agresije</i></b> (19. avgusta 1982. godine na specijalnoj sesiji o pitanjima Palestine, Generalna skupština UN-a je donijela odluku da se 04. jun obilježava kao Međunarodni dan nevine djece žrtava agresije rezolucijom ES-7/8)	Saopćenje za javnost/prigodna konferencija, okrugli sto i sl.	Ministarstvo za ljudska prava i izbjeglice BiH i Vijeće za djecu BiH
20.	<b>5. juni</b>	<b><i>Svjetski dan zaštite čovjekove okoline (UNEP)</i></b> (Rezolucijom 2994(XXVII) od 15. decembra 1972. godine Generalna skupština UN-a je 5. jun proglasila Svjetskim danom zaštite okoliša. 5. juna 1972. godine je održana UN Konferencija o čovjekovom okolišu što je vodilo ka formiranju Programa za zaštitu okoliša UN-a UNEP)	Saopćenje za javnost	Ministarstvo vanjske trgovine i ekonomskih odnosa BiH
21.	<b>20. juni</b>	<b><i>Svjetski dan izbjeglica</i></b> (4. decembra 2000. godine Generalna skupština UN-a je rezolucijom 55/76 utvrdila 20. juni kao Svjetski dan izbjeglica)	Saopćenje za javnost	Ministarstvo za ljudska prava i izbjeglice BiH (Sektor za izbjeglice, raseljene osobe, readmisiju i stambenu politiku)

22.	<b>26. juni</b>	<b>Međunarodni dan protiv zloupotrebe i nezakonite prodaje droge</b> (U skladu s preporukom sa Međunarodne Konferencije o zlobutrebi i nelegalnoj prodaji droga iz juna 1997. godine, Generalna skupština UN-a je 7. decembra 1987. godine rezolucijom 42/113 proglasila 26. jun Međunarodnim danom protiv zloupotrebe i nezakonite prodaje droge)	Saopćenje za javnost	Ministarstvo sigurnosti BiH (Sektor za borbu protiv terorizma, organiziranog kriminaliteta i zloupotrebe narkotika)
23.	<b>26. juni</b>	<b>Svjetski dan UN za podršku žrtvama torture</b> (Na preporuku Ekonomskog i socijalnog Vijeća, Generalna skupština UN-a je 12. decembra 1997. godine rezolucijom 52/149 proglasila 26. jun Međunarodnim danom za podršku žrtvama torture – Konvencija za borbu protiv torture i drugih okutnih, neljudskih i ponižavajućih postupanja i kažnjavanja je stupila na snagu 26. 6.1987.)	Saopćenje za javnost Konferencija uz učešće organizacija civilnog društva	Ministarstvo za ljudska prava i izbjeglice BiH (Odjel za zaštitu ljudskih prava)
24.	<b>11. juli</b>	<b>Svjetski dan stanovništva (UNFP)</b> (Ovaj dan je prvi put obilježen 11. jula 1987. godine kada je broj stanovnika na Zemlji dostigao 5 milijardi)	Saopćenje za javnost	Agencija za statistiku BiH
25.	<b>12. august</b>	<b>Međunarodni dan mladih</b> (1998. godine rezolucija kojom je 12. avgust proglašen Međunarodnim danom mladih je usvojena na prvom zasjedanju Svjetske Konferencije Ministara odgovornih za pitanja mladih u Lisabonu 8-12 avgusta 1998. (Rezolucija Generalne skupštine A/RES/54/12)	Saopćenje za javnost	Ministarstvo civilnih poslova BiH (Komisija za mlade u BiH)
26.	<b>30. august</b>	<b>Međunarodni dan nestalih</b> (Međunarodni dan nestalih se obilježava u značajnom broju zemljama počev od 30. augusta 2006. godine, a stupanjem na snagu Međunarodne konvencije o zaštiti svih osoba od prisilnog nestanka (23. decembar 2010.	- Saopćenje za javnost  - Saopćenje za javnost, press konferencija, emitiranje TV	- Ministarstvo za ljudska prava i izbjeglice BiH (Odjel za zaštitu ljudskih prava) - Institut za nestale osobe BiH

		godine), a od strane UN-a prvi put se obilježava 30. augusta 2011. godine kao Međunarodni dan nestalih. U BiH je u proteklom periodu bila pogođena ratnim zbivanjima što je rezultiralo velikim brojem nestalih osoba za kojima se još uvijek traga.)	spota, organiziranje okruglog stola ili javno okupljanje, objava Godišnjeg informatora i sastanak Savjetodavnog odbora Instituta sa udruženjima porodicama nestalih osoba i putem sredstava javnog informiranja animiranje javnosti u vezi rješavanja pitanja nestalih osoba	
27.	<b>8. septembar</b>	<b>Međunarodni dan pismenosti</b> (UNESCO je 1965. godine je proglasio 8. septembar Međunarodnim danom pismenosti)	Saopćenje za javnost	Ministarstvo civilnih poslova BiH (Sektor za obrazovanje)
28.	<b>16. septembar</b>	<b>Međunarodni dan zaštite ozonskog omotača</b> (Generalna skupština UN-a je rezolucijom 49/114 je donijela odluku da se dan potpisivanja Montrealškog protokola obilježava kao Međunarodni dan zaštite ozonskog omotača)	Saopćenje za javnost	Ministarstvo vanjske trgovine i ekonomskih odnosa BiH
29.	<b>21. septembar</b>	<b>Međunarodni dan mira</b> (2001. godine Generalna skupština UN-a je donijela rezoluciju 55/282 kojom se 21. septembar svake godine proglašava Međunarodnim danom mira)	Saopćenje za javnost	Ministarstvo odbrane BiH
30.	<b>26. septembar</b>	<b>Evropski dan jezika</b> (Utemeljen odlukom Vijeća Evrope 2001. godine s ciljem poticanja jezične različitosti, višejezičnosti i cjeloživotnog učenja)	Objavljivanje prigodnih sadržaja na internet i facebook stranici DEI u cilju promocije jezika, višejezičnosti i cjeloživotnog učenja stranih jezika u Bosni i Hercegovini	Direkcija za evropske integracije Vijeća ministara BiH
31.	<b>1. oktobar</b>	<b>Međunarodni dan starijih osoba</b> (Rezolucijom 45/106 od 14. decembra 1990. godine Generalna skupština UN-a je proglasila	Saopćenje za javnost	Ministarstvo civilnih poslova BiH (Sektor za zdravstvo i Sektor za rad, zapošljavanje, socijalnu

		1. oktobar Međunarodnim danom starijih osoba)		zaštitu i penzije)
32.	<b>5. oktobar</b>	<b>Svjetski dan prosvjetnih radnika</b> (Kako bi se obilježilo potpisivanje UNESCO/ILO Preporuke vezano za status prosvjetnih radnika 5. oktobra 1966. godine UNESCO je 5. oktobar proglasio Svjetskim danom prosvjetnih radnika)	Saopćenje za javnost	Ministarstvo civilnih poslova BiH (Sektor za obrazovanje)
33.	<b>10. oktobar</b>	<b>Svjetski dan mentalnog zdravlja</b> (Svjetski dan mentalnog zdravlja je prvi put obilježen 10. oktobra 1992. godine od strane Svjetske Federacije za mentalno zdravlje)	Saopćenje za javnost	Ministarstvo civilnih poslova BiH (Sektor za zdravstvo)
34.	<b>13. oktobar</b>	<b>Svjetski dan smanjenja rizika od katastrofa</b> (Rezolucijom 64/200, od 21. decembra 2009. godine, Generalna skupština UN je odredila da se 13. oktobar obilježava kao Međunarodni dan smanjenja rizika od katastrofa, s ciljem da se podigne svijest o poduzimanju aktivnosti na smanjenju rizika od katastrofa)	- Saopćenje za javnost - Press konferencija	Ministarstvo sigurnosti BiH (Sektor za zaštitu i spašavanje)
35.	<b>15. oktobar</b>	<b>Svjetski dan bijelog štapa</b> (1970. godine Predsjednik Međunarodnog saveza slijepih je 15. oktobar proglasio Međunarodnim danom bijelog štapa).	Saopćenje za javnost	Ministarstvo civilnih poslova BiH (Sektor za zdravstvo i Sektor za rad, zapošljavanje, socijalnu zaštitu i penzije)
36.	<b>15. oktobar</b>	<b>Međunarodni dan žena na selu</b> (Ustanovljen na konferenciji žena u Pekingu 1995. godine)	Saopćenje za javnost, press konferencije, učešće u radio i TV emisijama, okrugli stolovi, radionice, konferencije kao i aktivnosti sa nevladinim organizacijama	Ministarstvo za ljudska prava i izbjeglice BiH - Agencija za ravnopravnost spolova BiH
37.	<b>17. oktobar</b>	<b>Međunarodni dan iskorjenjivanja siromaštva</b> (Rezolucijom 47/196 Generalna skupština UN-a je 22. decembra 1992. godine proglasila 17. oktobar Međunarodnim danom iskorjenjivanja	Saopćenje za javnost	Direkcija za ekonomsko planiranje pri Vijeću ministara BiH



		siromaštva)		
38.	<b>18. oktobar</b>	<b>Evropski dan borbe protiv trgovine ljudima</b> (Evropska Komisija je 18. oktobra 2007. godine inicirala obilježavanje 18. oktobra kao EU danom suzbijanja trgovine ljudima i sve zemlje članice EU su pozvane da na nacionalnom nivou obilježe ovaj dan organizirajući događaje za javnost)	- Ministarstvo sigurnosti BiH će planirane aktivnosti realizirati u saradnji sa predstavnicima regionalnih timova i nevladinim organizacijama.  - Saopćenje za javnost	- Ministarstvo sigurnosti BiH (Odsjek za borbu protiv trgovine ljudima)  - Ministarstvo za ljudska prava i izbjeglice BiH
39.	<b>9. novembar</b>	<b>Međunarodni dan borbe protiv fašizma i antisemitizma</b> (U svijetu se 9. novembar obilježava kao Međunarodni dan borbe protiv fašizma i antisemitizma, ustanovljen kao znak sjećanja na Jevreje, koje su nacisti ubili tokom "Kristalne noći" 9. novembra 1938. godine. "Kristalna noć" poznata, i kao Carska kristalna noć, označava veliki pogrom Jevreja širom Njemačke, a u modernoj historiji označena je kao početak holokausta)	Saopćenje za javnost	Ministarstvo za ljudska prava i izbjeglice BiH (Sektor za ljudska prava - Odjel za zaštitu ljudskih prava)
40.	<b>16. novembar</b>	<b>Međunarodni dan tolerancije</b> (1996. godine Generalna skupština UN-a je pozvala zemlje članice da 16. novembar obilježavaju kao Međunarodni dan tolerancije – rezolucija 51/95 od 12. decembra)	Saopćenje za javnost  Obilazak vjerskih objekata  Saopćenje za javnost ili organizovanje tribina	- Ministarstvo za ljudska prava i izbjeglice BiH (Odjel za zaštitu prava i saradnju sa nacionalnim i drugim manjinama, vjerskim zajednicama i nevladinim organizacijama)  - Međureligijsko vijeće u BiH
41.	<b>19. novembar</b>	<b>Međunarodni dan borbe protiv zloupotrebe djece</b> (Međunarodni dan se počeo obilježavati 19. 11., kao potpora Danu dječjih prava koji se obilježava 20. 11., na dan usvajanja Konvencije UN o pravima djeteta)	Saopćenje za javnost/prigodna konferencija, okrugli sto i sl.  (Prevenција seksualnog iskorištavanja djece putem IKT)	- Ministarstvo za ljudska prava i izbjeglice BiH, - Vijeće za djecu BiH  - Ministarstvo sigurnosti BiH (Odsjek za borbu protiv trgovine

				ljudima)
42.	<b>19. novembar</b>	<b>Međunarodni dan muškaraca</b> (U više od 50 zemalja svijeta na svim kontinentima 19. novembar se obilježava kao Međunarodni dan muškaraca. Prvi Međunarodni dan muškaraca obilježen je 1999. godine pod pokroviteljstvom UNESCO-a.)	Saopćenje za javnost	Ministarstvo za ljudska prava i izbjeglice BiH - Agencija za ravnopravnost spolova BiH
43.	<b>20. novembar</b>	<b>Međunarodni dan prava djeteta</b> (Generalna skupština UN-a je 14. decembra 1954. godine rezolucijom 836(IX) preporučila da se 20. novembar obilježava kao Univerzalni dan prava djeteta jer na taj datum 1959. je usvojena Deklaracija o pravima djeteta a 1989. Konvencija o pravima djeteta)	Saopćenje za javnost/prigodna konferencija, okrugli sto i sl.	- Ministarstvo za ljudska prava i izbjeglice BiH, - Vijeće za djecu BiH i - Institucija ombudsmena za ljudska prava BiH
44.	<b>25. novembar</b>	<b>Međunarodni dan borbe protiv nasilja nad ženama</b> (Generalna skupština UN-a je 17. decembra 1999. godine Rezolucijom 54/134 proglasila 25. novembar Međunarodnim danom borbe protiv nasilja nad ženama)	Saopćenje za javnost, press konferencije, učešće u radio i TV emisijama, okrugli stolovi, radionice, konferencije kao i aktivnosti sa nevladinim organizacijama u okviru Međunarodne kampanje „16 dana aktivizma protiv nasilja na osnovu spola“ – obilježava se u periodu od 25. novembra do 10. decembra	Ministarstvo za ljudska prava i izbjeglice BiH - Agencija za ravnopravnost spolova BiH
45.	<b>1. decembar</b>	<b>Svjetski dan borbe protiv AIDS-a</b> (UN Deklaracija o posvećenosti HIV/AIDS-u od 27. juna 2001. godine; Deklaracija za Jugoistočnu Evropu o prevenciji HIV/AIDS-a od 8. juna 2002.; Otavska rezolucija od 2004.)	- Saopćenje za javnost - Sjednica Savjetodavnog odbora za borbu protiv HIV/AIDS-a za BiH - Press konferencija	Ministarstvo civilnih poslova BiH (Sektor za zdravstvo i Savjetodavni odbor za borbu protiv HIV/AIDS-a za BiH)

46.	<b>3. decembar</b>	<b>Međunarodni dan osoba sa invaliditetom</b> (1992. godine završetkom Dekade za osobe s invaliditetom 1982-1992, Generalna skupština je proglasila 3. decembar Međunarodnim danom osoba s invaliditetom – rezolucija 47/73)	<ul style="list-style-type: none"> <li>- Saopćenje za javnost</li> <li>- Saradnja sa medijima</li> <li>- Obilazak ustanova za zbrinjavanje osoba sa invaliditetom</li> <li>- Tematska sjednica povodom 3. decembra Međunarodnog dana osoba sa invaliditetom“.</li> </ul>	<ul style="list-style-type: none"> <li>- Ministarstvo za ljudska prava i izbjeglice BiH i</li> <li>- Ministarstvo civilnih poslova BiH (Sektor za zdravstvo i Sektor za rad, zapošljavanje, socijalnu zaštitu i penzije)</li> <li>- Vijeće za osobe sa invaliditetom BiH</li> <li>- Zajednička komisija za ljudska prava Parlamentarne skupštine.</li> </ul>
47.	<b>5. decembar</b>	<b>Međunarodni dan volontera</b> (Kao podsjećanje na dan kada je 1970. godine stvoren Program UN-a za volontere, Generalna skupština Ujedinjenih nacija proglasila je 17. decembra 1985. godine, 5. decembar – Međunarodnim danom volontera. Ovaj dan se obilježava kao dan dobrovoljnog rada za ekonomski i društveni napredak)	Realizirat će se aktivnostima putem web stranice Ministarstva	Ministarstvo civilnih poslova BiH (Sektor za rad, zapošljavanje, socijalnu zaštitu i penzije)
48.	<b>10. decembar</b>	<b>Međunarodni dan ljudskih prava</b> (Ovim danom se obilježava dan stupanja na snagu Univerzalne deklaracije o ljudskim pravima 10. decembra 1948. godine)	<ul style="list-style-type: none"> <li>- Saopćenje za javnost</li> <li>- Konferencija</li> </ul>	<ul style="list-style-type: none"> <li>- Ministarstvo za ljudska prava i izbjeglice BiH,</li> <li>- Institucija ombudsmena za ljudska prava BiH</li> </ul>
49.	<b>18. decembar</b>	<b>Međunarodni dan migranata</b> (4. decembra 2000. godine, Generalna skupština UN-a potaknuta velikim brojem migranata u svijetu proglasila je 18. decembar Međunarodnim danom migranata jer je na taj dan 1990. usvojena Međunarodna Konvencija o zaštiti prava svih radnika migranata i članova njihovih porodica)	<ul style="list-style-type: none"> <li>- Saopćenje za javnost</li> <li>- Posjete kampovima</li> </ul>	<ul style="list-style-type: none"> <li>- Ministarstvo sigurnosti BiH (Sektor za imigraciju, Sektor za azil i Služba za poslove sa strancima) i</li> <li>- Ministarstvo za ljudska prava i izbjeglice BiH (Sektor za izbjeglice, raseljene osobe, readmisiju i stambenu politiku).</li> </ul>

**Vijeće ministara Bosne i Hercegovine, na 42. Sjednici održanoj 4.2.2016. godine razmotrilo je i usvojilo Program obilježavanja značajnih datuma iz oblasti ljudskih prava u Bosni i Hercegovini za 2016. godinu.**

**Zadužuju se nadležna ministarstva i druge samostalne upravne organizacije Vijeća ministara Bosne i Hercegovine da u saradnji sa Ministarstvom za ljudska prava i izbjeglice Bosne i Hercegovine na prigodan način i u skladu sa mogućnostima učestvuju u realizaciji navedenog programa**

**Zadužuju se nadležne institucije Bosne i Hercegovine da u okviru svojih planiranih budžetskih sredstva realizuju pojedine aktivnosti u 2016. godini.**